

**LAPORAN EKSA
SIRI 1/2023 : JAN - JUN
ZON SINERGI, ARAS 2**



**UNIT REPOSITORI & DOKUMEN DIGITAL
SEKSYEN KOLEKSI KHAS & DOKUMEN DIGITAL
BAHAGIAN ILMU PENGETAHUAN INSTITUSI
PERPUSTAKAAN RAJA ZARITH SOFIAH
UNIVERSITI TEKNOLOGI MALAYSIA
JOHOR BAHRU
JOHOR DARUL TA'ZIM**

DISEDIAKAN OLEH : HASLINA HUSSIN



MUKASURAT KANDUNGAN

Pengenalan ...	1
Aktiviti Jan-Jun 2023 ...	1
Galeri ...	4
Perancangan Sepanjang 2023 ...	9

PENGENALAN

Pelaporan Ekosistem Kondusif Sektor Awam (EKSA) Zon Sinergi, Unit Repositori & Dokumen Digital (URD) merupakan kesinambungan kepada pelaporan terdahulu yang mengandungi perubahan terkini dan penambahbaikan kepada perubahan sedia ada yang telah dilaksanakan mulai Jun 2022.

Bagi meneruskan agenda EKSA sesi Jan-Jun 2023, Zon Sinergi telah melaksanakan beberapa inisiatif baharu untuk memastikan ekosistem kondusif yang menyasarkan untuk mengimbangi tekanan kerja dengan suasana bekerja yang tenang, ceria dan getaran positif di kalangan staf.

AKTIVITI JAN-JUN 2023

Inisiatif membina ekosistem kondusif di URD merangkumi aktiviti keceriaan dan pengurusan ruang pejabat yang telah dilaksanakan secara berjadual namun digerakkan secara seiring bagi memastikan rutin kerja harian tidak terjejas.

Langkah awal untuk mengerakkan aktiviti EKSA di Zon Sinergi adalah dengan melantik Penangggjungjawab Zon Sinergi bagi URD melalui surat lantikan bertarikh 18 Januari 2023 yang dikeluarkan oleh Penyelaras EKSA Zon Sinergi URD, Pn. Haslina Hussin. Pelantikan rasmi ini diharap akan membuka ruang kesedaran untuk menjayakan aktiviti EKSA di zon ini.

Dalam melaksanakan aktiviti EKSA di Zon Sinergi tanpa mengabaikan aspek keceriaan staf, pelaksanaan aktiviti ini digerakkan secara berperingkat dan sebarang keputusan pelaksanaan dibuat secara bersama melalui perkongsian idea serta pandangan kolektif.

Namun, atas faktor kepadatan jadual latihan dalaman serta keutamaan kepada kerja hakiki, aktiviti EKSA hanya dapat dimulakan pada suku ke-2 iaitu bermula pada Mei 2023.

25 Mei 2023

: Aktiviti gotong-royong mengurus susun atur ruang berikutan mesin pengimbas *Book2Net* mengalami kerosakan teknikal yang tidak dapat dibaiki dan telah diserahkan ke Seksyen Automasi bagi tujuan pelupusan.

Ruang ini telah dimanfaatkan dengan menyusun semula ruang perbincangan staf dan menghasilkan satu sudut santai yang menempatkan makanan dan minuman ringan untuk kudapan staf, serta telah mengwujudkan ruang pejabat yang lebih selesa.

16 Jun 2023

: Aktiviti gotong-royong ke-2 telah dilaksanakan melibatkan aktiviti penambahbaikan papan putih yang berfungsi sebagai papan kenyataan kepada maklumat kehadiran staf dan maklumat lain. Perubahan ini telah melibatkan pengubahsuaian secara menyeluruh untuk menghasilkan satu sudut maklumat yang lebih ringkas, kemas dan tersusun. Aktiviti pembersihan papan putih merupakan langkah awal untuk menghasilkan paparan baharu yang lebih ringkas dan kemas. Rangka awal pembahagian dan pengukuran ruang pada papan putih ini juga telah dilaksanakan untuk membentuk garisan pembahagi menggunakan pita pelekat yang bersesuaian.

Laci kabinet yang disediakan untuk menyimpan alatulis dan keperluan pejabat yang lain turut dikemaskini penyusunan dan pengasingan barang mengikut kategori.

Beberapa lokasi telah dikenalpasti untuk diubahsuai sebagai sudut keceriaan dan sudut ilmu yang terdiri daripada :

- ✓ Tiang yang terdapat di ruang pejabat URD.
- ✓ Ruang dinding berbentuk 'L'.

22 Jun 2023

: Kesenambungan aktiviti EKSA pada 16 Jun 2023 diteruskan dengan usaha untuk menghasilkan cetakan label, proses laminasi dan pemotongan label untuk Carta Pergerakan Staf dan laci kabinet. Selaras dengan warna tema ungu muda, penggunaan warna ini telah diserapkan kepada penyediaan label. Hasil kerjasama daripada semua staf URD, aktiviti pelabelan laci cabinet dan Papan Pergerakan Staf ini telah berjaya disiapkan dan ditempatkan pada posisi asal.

Seterusnya, serentak dengan itu juga, sudut keceriaan pada dinding berbentuk 'L' yang menjadi ruang asal penempatan mesin pengimbas yang telah dilupuskan telah diubahsuai untuk menghidupkan suasana ceria di tempat kerja. Kerja-kerja awal yang melibatkan pembersihan kotoran pelekat pada dinding juga telah dilaksanakan sebelum aktiviti hiasan dilaksanakan pada frasa yang seterusnya.

Untuk menghasilkan hiasan dinding, tema hiasan yang berlatarkan idea berikut telah dikenalpasti :

- Tema kontemporari moden
- Tumbuhan kaktus sebagai tema hiasan dinding

Persiapan awal untuk aktiviti menghias sudut keceriaan ini dimulakan dengan mengitar semula bangku besi lama dengan semburan cat untuk menghasilkan impak yang seragam dengan warna tema Zon Sinergi

Di samping itu juga, satu-satunya tiang yang terdapat di ruang pejabat URD juga telah dikenalpasti untuk diubahsuai penampilan dan kegunaannya sebagai ruang maklumat yang lebih kreatif dengan menampilkan informasi berkaitan peranan dan jawatankuasa EKSA.

GALERI – PENGURUSAN PELUPUSAN MESIN PENGIMBAS BOOK2NET



Aktiviti mengemas dan mengumpul peralatan mesin pengimbas dan computer untuk diserahkan kepada Seksyen Automasi bagi tujuan pelupusan.

Penyerahan telah dilaksanakan pada **25 Mei 2023**.

Aktiviti ini merupakan sebahagian daripada aktiviti awal ke arah pelaksanaan EKSA di Zon Sinergi yang melibatkan kerja-kerja menyisih peralatan yang tiada keperluan dan telah tidak berfungsi untuk dikeluarkan daripada Zon Sinergi untuk merancang ruang yang lebih kondusif.



GALERI – AKTIVITI EKSA



Aktiviti EKSA kedua telah dilaksanakan pada **16 Jun 2023**.


Aktiviti menyusun atur ruang kerja dan penyediaan keperluan yang seiring dengan keperluan pejabat. Aktiviti mengemaskini papan kenyataan URD yang melibatkan pengubahsuaian 360°, lebih ringkas, kemas dan tersusun.

Penggunaan warna tema, ungu muda turut dilaksanakan selaras dengan konsep Zon Sinergi.

Papan Kenyataan ini telah diklasifikasikan seperti berikut :

- Carta Pergerakan Staf
- Pemakluman
- Lain-lain





SEBELUM : Papan Kenyataan & Pergerakan Staf



SELEPAS : Papan Kenyataan & Pergerakan Staf



SEBELUM : Bangku besi lusuh & berkarat



SELEPAS : Semburan cat mengikut warna tema



Aktiviti pembersihan dan penyusunan semula laci kabinet alatulis dan peralatan lain untuk diklasifikasikan mengikut jenis bahan. Aktiviti ini melibatkan penyisihan dan penyusunan bahan.

PERANCANGAN SEPANJANG 2023

Untuk menjayakan aktiviti EKSA yang seterusnya, aktiviti berikut telah dirancang untuk tempoh enam (6) bulan kedua 2023.

- i. Kerja-kerja menghias dinding berbentuk 'L' pada sudut keceriaan dengan menaikkan hiasan dan melengkapkan dekorasi ruang berhampiran.
- ii. Usaha penyusunan semula dan melengkapkan maklumat pada tiang yang dimanfaatkan secara menyeluruh untuk menyerlahkan ruang santai staf.
- iii. Penyediaan label bagi nama unit pada dinding utama bertentangan dengan pintu masuk unit.
- iv. Penyediaan sudut *tea-break* bersifat sendiri yang menyediakan minuman berpakat (*sachet 3 in 1*) dan makanan ringan berpakat untuk staf berehat seketika.
- v. Pengubahsuaian pelan lantai unit berikutan berlakunya proses pelupusan mesin pengimbas Book2Net yang secara langsung melibatkan perubahan besar kepada susunan perabot dan ruang di Zon Sinergi.

Sehubungan itu, untuk memastikan aktiviti EKSA ini bergerak secara aktif, jadual aktiviti ini telah ditetapkan pada hari Khamis mengikut keperluan dengan sela masa antara dua minggu sekali atau sebulan sekali untuk fasa pembangunan awal EKSA di Zon Sinergi.